



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 12. Januar 2017, bzw. Freitag, 13. Januar 2017

---

## **Amtliche Publikation der Gemeinde Albula/Alvra**

### **ALBULA/ALVRA**

[www.albula-alvra.ch](http://www.albula-alvra.ch)

Infurmaziuns dalla suprastanza communal digl cumegn Albula/Alvra:

#### **November / December 2016**

- La suprastanza communal ò examino e lubia diversas dumondas da biagier.
- Per la projectaziun dall'economisaziun futura digl rusment aint igl cumegn Albula/Alvra ò la suprastanza communal lubia en credit an import da 15'000.00 CHF. Pertutgont las midadas davart l'economisaziun digl rusment, a parteir digl 01.-01-17, èn abitantas ed abitants scu er igls possesssours da tgesas da vacanzas nias orientos antras en aveis.
- La suprastanza ò piglia cunaschientscha digl project per ena «plevaletaziun ecologica digl plaz da scola ad Alvagni» antras igl Parc Ela. Igl costs vignan surpiglias cumplettamaintg digls iniziants.
- Per igl mantignamaint digl implant da scola a Casti (ramplazzamaint dallas lengias d'ava) è nia concedia en credit brut da 180'000.00 CHF.
- La suprastanza ò decidia da perseguitar venavant la dumonda «Introdcziun d'ena zona 30» sen la veia cantunala aint igl intern dalla vischnanca d'Alvagni. Ena dumonda correspoondenta è neida inoltrada alla pulizeia cantunala digl Grischun.
- Sa basond agl art. 5 cefra 2 dalla lescha da pumpiers digl cumegn Albula/Alvra ò la suprastanza decidia da deliberar dall'obligaziun da prestar sarvetsch da pumpiers parts da genitours tgi edutgeschan sulets unfants da scoligna e da scola. Chella decisiun von an vigour retroactivamaintg sen igl 01.-01-2016.
- Per saveir realisar la midada dallas maseiras preveidas dalla suprastanza an connex cun l'economisaziun digl rusment (a parteir digl 01.01-2017) è nia concedia en credit da 50'000.00 CHF. An chel connex èn nias cumpros containers da material, containters per scatlas, containters dobels per PET e containters da rusment dad 80L.

- La suprastanza ò approvo e delibero igl preventiv dalla societad da scopo Serenera Casti ed igl preventiv 2017 digl menaschi forestal Albula.
- An connex cun la sanaziun dalla veia da cumegn, Piazza da vischnanca – Tgaplotta – Veia sot Baselgia, a Brienz/Brinzauls, ò la suprastanza examinò ed approvo la cumposiziun digls costs per la repartiziun da tals.
- Igl rendachint annual 2015/2016 digl consorzi da scola Belfort davains è nia approvo e delibero.
- La Taxi Rothorn GmbH, Lai, porscha en taxi durant la staschung d’anviern ad indigens ed esters, dallas 23.00 anfignen las 05.00 h per en prietscha da mintgamai 5 fr. Durant igl ulterieur taimp pon igls utilisaders digl menaschi da taxi profiter d’ena reducziun da prietsch da 30% digl tarif normal. Per saveir porscher chella prestaziun da sarvetsch, ò la suprastanza concedia ena contribuziun annuala da 10'000 CHF.
- La suprastanza ò decidia da sustignair finanzialmaintg la viseta d’en curs da rumantsch per genitours da glianga tudestga, sa basond agl art. 5 dalla lescha da lungatg digl cumegn Albula/Alvra.

#### Infurmaziuns dalla radunanza communal digls 12 da december 2016

- Las persungas cun dretg da votar on documento cun 111 cunter 69 vuschs lour voluntad da mantignair l’appartegnientscha da spital cun la regiun da spital Muntogna/ Tumliastga/ Valragn/ Albula resp. da sa distatger dalla regiun da spital Surses (cumegns uriunds da Mon e Stierva).
- Ena gronda pluralitad dallas persungas cun dretg da votar èn sa declaros per mantignair igl li dalla scola rumantscha scola a Lantsch.
- Igl preventiv 2017 digl cumegn Albula/Alvra è nia approvo e delibero cun gronda pluralitad.
- Sen proposta dalla suprastanza è igl pe da taglia nia laschea sen 100% dalla taglia da cantun simpla.
- La regulaziun existentia da fixar la quota (Lescha federala davart igl acquist da bagnis immobigliars tras persungas agl exterior) è neida mantigneida.

La suprastanza communal